

T.B.M.M

DDC:
YER: 74-1985
YIL:
CLT:
KSM:
KOP:
DEM: 74-3842

KÜTÜPHANESİ

B. M. M.

Kütüphanesi

Es. No. : 536

Remiz : M. M. 106

۵ ۲۷
۲۷
۱۳۲۲ سنه سنه عايد اوله رق رژی معاملاتى حقنده اجرا اولنان
تفتيشاتى ناطق مذکره و مربوطى راپور صورتلريد

N. N.

106

مجمود بك مطابعه سى

۱۳۲۶

۱۳۲۲ سنه سنه عايد اوله رق رژی معاملاتى حقنده اجرا اولنان
تفتيشاتى ناطق مذکره و مربوطى راپور صورتلريد



مالیه نظارت جلیله سی جانب سامیسنه

رژی توتون انحصار شرکتی ۱۳۲۲ سنه سی سال محاسبه سی تفتیشی حقنده
راپوردر

توتون رژیسنک ۱۳۲۲ سنه منه عاٹ حساباتک تدقیق ضمنده لازم کلان
مفتشلرک علی الاصول تعین واعزامنه دائر رژی مدیریت عمومیه سندن بالاعطا
قومیه سرلکدن تقدیم قلنان تذکره اوزرینه مجلس مالیه اعضاسندن سعادتلو صلاح الدین
بک افندی حضرتلری ایله تدقیق وتفتیشاتده چاکرلرینک دخی بولنمی حقنده
سرفوارد اولان فی ۱۰ اغستوس سنه ۳۲۲ تاریخی ۵۶۳ نومرولو امرنامه حکمنه
توفیقاً مشار الیه صلاح الدین بک افندی ایله برابر امر تفتیشه مباشرت اولندقدہ
سرمایه داران جمعیت عمومیه سنده قرائت ایدلک اوزره رژی طرفندن تنظیم اولنان
یکرمی ایکنجی سنه نک عمومی معاملات راپورینک برنسخه سی چاکرلرینه اعطا
قلنمغه بونک تدقیق ماهیت ومحتویاتنه بالابتدار مذکور راپورک A محیفه سنده

لیرا

صاتیلان توتونلرک مال اولدینی اقچه	۵۴۷ ۶۹۵
مأمورین معاشاتی	۱۶۰ ۶۱۱
محافظه مصارفی	۲۵۴ ۹۴۵
صاتش اوزرینه اکرامیه	۲۱۸ ۸۴۶
معمول توتونلر اوزرینه اکرامیه	۳۵ ۵۷۵
زراعت معاملات مصارفی	۴۱ ۶۴۹
مصارف سائرہ	۱۳۴ ۵۱۲
	۱,۳۹۳,۸۵۳

ناملری آلتنده جماعاً برملیون اوج یوزطقسان اوچیک سکز یوزالای اوج لیرایه بالغ اولان
یکونک ؛ مفرداتیله اوراق مثبته سی طلب اولندقدہ رژی اداره سی طرفندن مالیه
تفتیش هیئته اعطای جوابه مأمور ایدیلن موسیو لومباردو اسمنده برکیمه بو

طرزده تفتیشک غیر قابل اجرا اولدینی ، وشمیدییه قدر جاری اولان تعامله موجبنجه مفتشارك ایده جکلری خدمت عمومی راپورده مندرج ارقام مطالعه ایدیلهرک جمع وطرح عملیاتنده سهو وخطا اولوب اولدینی تدقیق ایتمک واکلاشیله میان بعض الفاظ و تعیریاتی استیضاح واستفسار ایتمکدن عبارت بولندینی بیان ایتیش وبناء علیه حکومت سئیه نامنه اجرای تفتیشه مأمور اولان هیئتمزک وظیفه سی بوکا منحصر قالدینی مستبان اولمش وبوندن فضله ایضاحات ویره میه جکفی علاوه افاده ایش اولغله موسیو لومبار دونک شرکت نامنه مفتشله ارئه ایلدیکی خط حرکت موجبنجه تفتیشاتنده دوام ایدیلهرک ختام تفتیشده چاکرلری مستشنا اولاق اوزره رژی دخان شرکتنک یکر می ایکنجی سنه معاملاتی تفتیش ورؤیت ایدلشدرد. یولنده شرکتی بر بیاننامه امضا ایدلشدرد . شو سببه مینی رژی دخان شرکتنک حساباتی تفتیش وتدقیقه مدار اوله بیله جک شرکت مذکور دنک هیئت تفتیشه یه اعطا ایلدیکی یکر می ایکنجی سنه معاملاتنک عمومی راپورندن بشقه هیج بروثیقه یه دسترس اولنهمامش وعمومی راپورده واردات ومصارفانک اجناس متنوعه سی بر قلمده کوستریله رک مفرداتی حقنده تفصیلات آلنهمدیغندن بوداثره محدوده داخلنده تدقیقات وتفتیشاته مجبوری حاصل اولشدرد .

عمومی راپورک A محیفه سنده صاتیلان توتونلرک مال اولدینی مبالغک ۵۴۷۶۹۵ لیرا اولدینی کوسترلمکده ، 7 A محیفه سنده اعلا و برنجی وایکنجی و اوچنجی نوعدن ۵۲۰۶۱ کیلو توتونک وسطی اوله رق اوتوز ایکی غروشه مبا یه و ۹۳ غروشه صاتیلدینی ، و دردنجی و بشنجی و آلتنجی نوعدن ۷،۱۳۷،۳۵۶ کیلو توتونک ۵ غروشه مال ایدیلوب ۲۶ غروشه صاتیلدینی ، واعلا و برنجی وایکنجی و اوچنجی نوعدن بهر بیک سیغاره دنک ۴۱ غروشه مال اولوب ۱۲۰ غروشه صاتیلدینی ، و دردنجی و بشنجی نوع سیغاره لرک بهر بیک ۱۳ غروشه مال اولوب ۴۷ غروشه صاتیلدینی ، وجعاً ۷،۷۴۸،۴۷۸ کیلو توتون و سیغارت و سیغاره دنک : ۵۴۷،۶۹۵ لیرایه مبا یه اولدینی ، کوسترلمش ایسه ده زراعدن اعلا ، وسط ، وعادی توتونلرک کیلوسنی قاج غروشه آلدق لیرینه دائر برصراحته تصادف ایدیلهمامش وکندیلیرینه شوقدر غروشه مال اولدینی ادعا ایلدکلری توتون و سیغاره تلوک اعمالات مصارفی اوراق مثبته سنی ابراز ایده مامشدر و وسط وعادی توتونلرک کندیلیرینه مال اولدینی ارئه ایلدکلری

فیثانته ۴۰ مثلی رسم، واعلا نوع توتونلره انحق ۲۴ مثلی قدر بالنسبه از بر رسم ضم ایدلسنك سببی دخی اكلاشیه مامشدر. A محیفه سنده ۲۵۴,۹۴۵ لیرا قدر بر مبلغ محافظه مصارفی نامیه قید ایدیلرلك بونك مفرداتیله اوراق مثبته سنك دخی ارانه سندن امتناع ایدلشدر.

A محیفه سنده مأمورین معاشاتك ۱۶۰,۶۱۱ لیرا مقدارنده اولدینی کوسترلش، A 8 محیفه ده مدیریت عمومیه نك معاشاتی ۴۶,۱۷۳ لیرا، ودر سعادت نظارتك ۱۲,۷۱۲ لیرا، و بونستله ولایات شاهانه ده کی نظارتلرلك جمعا ۱۶۰,۶۱۱ لیرا، اولدینی قید اولمش، و مدیر عمومی ایله مدیرلرلك معاشارینك مقدارینه دائر ایروجه بر قیده دسترس اولنمامش ایسه ده موسیو رامبرك معاشی ۱۵۰,۰۰۰ فرائق اولدینی تحقیق ایدلش، و سنوی ایکی یوز اللی ایله اوچ یوز سكسان مایون فرائق آرده سنده حاصلات صافیه ویرن اوستریا، ایتالیا، و فرانسه رژی ادارلری مدیر عمومیلری انحق بونك بشده بری اولان ۳۰,۰۰۰ فرائق مقدارنده معاش آلمقده ایكن موسیو رامبرد ۱۵۰,۰۰۰ فرائق و مأمورین سائریه دخی اكرامیه و مكافاة تقدیه دن ماعدا بونستنده معاش ویرلك مجبوری جالب نظر دقت بولنمشدر.

كذا A محیفه سنده زراعت معاملاتنه ۴۱,۶۴۹ لیرا صرف ایدلیکی، و سنه سابقه به نسبتله ۲,۱۳۳ لیرا فضله اولوب بوده ۱۳۲۱ سنه سنده زراعتك توسعندن تولد ایدلیکی، کوسترلش و حقیقت حالده ایسه رژی شركتی توتون زراعتنی تحدید ایلک و كندی احتیاجاتندن زیاده توتون یتشدریلسنی منع ایلک ایچون هر نوع تدابیر غیر مشروعه به توسل ایدلیکی حكومت سینه جه معلوم اولسنه مبنی بو ۴۱,۶۳۹ لیرانك عسورت صرفه دائر تفصیلاتله اوراق مثبته طلب اولمش ایسه ده بونك دخی ارانه سندن امتناع ایدلشدر.

وینه عمومی راپورلك A محیفه سنده مقید ۱۳۴,۵۱۲ لیرا مقدارنده کی « مصارف متفرقه » نك مفرداتی طلب اولندقدنه بومفرداتك A ۱۳ محیفه ده ارانه اولدینی افاده اولنمغله مذکور محیفه به مراجعت اولندقدنه ۱۳ نومرولو محیفه ده مفرداتنه تصادف ایدلش واز جمله ۴۱۵۷ لیرا مقدارنده بر مبلغ دیون مشكوكه نامی آلتنده کوسترلش وچن سنه بونك مقداری ۴۰۷۹ لیرا اولدینی دخی ارانه ایدلش و بوندنده شمده به قدر وسطی اوله رق سنوی ۴,۰۰۰ لیرادن یكرمی ایکی سنه

ظرفنده ۸۸,۰۰۰ لیرانك شونك بونك ذمتنده اقرضاتندن طولانی ضیاعه اوغزادیغی استدلال ایدلکه بونك ده اسباب موجبہ سی ، واوراق مثبتہ سی طلب اولندقدہ بونك دخی ارانہ سندن اظهار عجز ایدلشدرد .

۱۳ نومرولی صحیفہده مصارف میانده

۲۲۰۰	لیرا محبوسین اعاشہ سی	[۱]
۶۴۰۰	محاکمہ عائد مصرف	[۲]
۲۳۳	ممالک اجنبیہ ترصدا ت مصرفی	[۳]
۱۶۰۰	غیر موظف ذواتہ عاطفہ ویریلان تخصیصات	[۴]
۳۷۰۰	بعض اشخاصہ ویریلان تعینات واعانات	[۵]
۹۳۰۰	قرطاسیہ	[۶]
۴۰۰۰	مکتوب وپوستہ مصارفی	[۷]

[۱] رژی اوغرندہ ہمشہریلری حقندہ جرح و قتل فعلی ایقاع ایتش قولجیلرک اعاشہلری ایچون صرف ایدیلان بارہ ایلہ رژی شرکتنہ مدیون اولملری سبیلہ شرکتنک طلبیلہ حبسخانہلرہ الفا ایدیلان زراعتک اعاشہلری ایچون یومیہ بشر غروش حسابیلہ قانوناً شرکتنک تأدیہ سنہ مجبور اولدینی بارہ

[۲] محاکمہ مصارفی اولسہ کرکدر . محاکم جزائیہ رؤسا واعضالریلہ مدعی عمومہلرک اکرامیلہلری محافظہ مصرفنہ داخلدر . بو اکرامیہدن مقصد شرکتنک منافعنی محافظہ و عبرتی موجب اوقی ایچون قولجیلرہ مقابلہ سلاح استعمالنہ جرأت ایدنلری و قاجیلری ورژینک اوامر ومہانتہ رعایت ایتماک جرأتندہ بولان توتون زراعتی جزاء حبس و جزای نقدی یہ محکوم ایتدیروب حکمی اجرا ایتدیرمک ایچون

[۳] بو بارہ آنجیق بر آدمک اعاشہ سنہ کافیدر . ممالک اجنبیہ تعبیرنہ ترکیادن بشقہ بتون کرہ ارض داخلدر . بر تک آدملہ جہانی ترصد ایتدیرمک اقتدارندہ اولان رژی شرکتنک بو اصول معجزہ نمای ترکیادہ تطبیق ایتماسی جالب نظر دقتدر

[۴] حق سکوت

[۵] طاقتہ نسادن محتاج اعانہ اولنلرہ ویریلان بارہدر !

[۶] اعلا جنس کاغذک اوقہ سی ایکی فرانق حسابیلہ رژی اداره سی سنوی یوز بیک اوقیق یعنی یوز تونیلاتوی متجاوز کاغذ اوزرینہ یازی یازمقدہدرکہ بو مقدار کثرت معاملاتہ دلالت ایدر ایسہدہ کاغذ متعہدینک کیم اولدینی ہنوز اکلشیلہ مامشدر . بخصوص شمدی یہ قر بو تعہد معاملہ سی خفیاً اجرا ایدلکدہ بولنشدرد .

[۷] قرطاسیہ طغوز بیک اولنجہ بو کاغدی پوستہ یہ طاشیمق ایچون بالطبع درت بیک ایرالقی پول یاشدیرمق اقتضا ایدر

۱۸۰۰	غزته ابونه بدللری	[۸]
۱۲۰۰	عربه اجرتی	[۹]
۴۳۰۰	یازمخانه لوك سپورلمسی و بکلتدیرلمسی ایچون خارجدن تدارك ایدیان	
	عمله اجرتی	[۱۰]
۳۴,۷۳۳	یکون	

جدول مذکورک احتسوا ایلدیکی مصارفک هر برقلمی آرو آرو مدار بحث اولوب بونارک قسم اعظمندن صرف نظرله یالکز ۹۳۰۰ لیرا قرطاسیه و ۴۳۰۰ لیرا مصارف تنظیفیه و ۱۸۰۰ لیرا غزته ابونه بدللری حاده تدقیقندن چکیلورایسه شرکتک واردات مستحصله یی استعمال امرنده نه درجه لوده خود سرانه حرکت ایلدیکی تنظاھر ایلر. شرکتک مصارف قرطاسیه سی امثال عدیده سنه و دواثر دولتدن هر برینک بوبایده اختیار ایلدکلری مصارفات سنویه به نسبتله الی وسکز کره فضاه اولدینی کبی غزته ابونه بدلی اولق اوزره ادانه ایتدیکی مبلغ دخی بسبتون بی اساس و مصارف تنظیفیه و تطهیریه عنوانی التنده کوستریکی ۴۳۰۰ لیراده هر دواثره نك اوطه جی و بکجیسی بولمقی و بونارک معاشی آروجه محل مخصوصنده کوسترلمش اولق حسبیله بونارک دخی مفرداتی طلب اولتمش ایسه ده بوندن زیاده تفصیلات ویره میه جکلری قطعاً بیان و بوقدرله اکتفا اولتمسی لزومی افاده اولتمغه (مذکور عمومی راپور مندرجات عمومیه سنك آرو آرو تدقیقندن رژی دخان انحصار شرکتک واردات عمومیه سنی حد اعظمی اوله رق یوزده یکر می مصرفله استحصال ایده جک یرده یوزده الی اوچ مصرفله استحصال ایلدیکی و یوزده یکر می ایله الی

[۸] بو غزته لره هیچ بر یرده تصادف اولنه مامغله هانکی غزته لر اولدقلری اکلشیله ماه شد رژی نك منافعه طوقونان حادثات و وقایع یازمقدن تحاشی ایدن ایدن بزم استابول غزته لرندن بعضیسنه آبونه بدلی نام مشروعلیه و یریلان حق سکوت اولسه کرکدر

[۹] موسیو رامبرک عربه سنك مصرفی بوکا داخل اولسه بیله بوندن بشقه بر یازم دوزینه عربه قوشدیرمغه بوباره کمایت ایدر. بو عربه لرك کیملره تخصیص اولندینی معلوم دکلدر.

[۱۰] هر اوطه نك متعدد معاشل اوطه جیسی، و دواثره نك خدمه و قاپوچیلری و ارا یسه ده بونلر اوطه سپورمک، و بکجیلک ایتک کبی خدمات خسیسه به نزل ایتیه جکلرندن خارجدن عمله تدارك اولتمسی اصول اتخاد اولتمشدر دیو افاده اولتمش ایسه ده بو عمله و بکجیلری هیچ کیمسه کورما مشدر بونامله دخی سنوی ۴۳۰۰ درت بیک اوچوزلیرا مصرف!

اوج اراسنده کی فرقك سنوی ۸۷۱،۹۷۷ لیرایه بالغ اولوب بونك اختلاس وسؤ استعمال ایدلیدیکی ویکرمی ایکی سنه دبرو ۹۲۸۳۴۹۴ لیرا مقدارنده بریکون حاصل ایدن مذکور اختلاسات وسؤ استعمالاتک یوزده التمش بشینك حکومت سنییه، و حکومت سنییه حسابنه دیون عمومیه، و یوزده اوتوز بشینك اسهام حامللرینه عائد اولدینی، ورژی شرکتی زراعه توتون اخراجات تاجرلرینی بو مقدارک ایکی مثلی نسبتنده متضرر ایدلیدیکی اکلاشلماغه بو خصوصده تدقیقات و تحقیقات مفصله ایله اسباب ثبوتیهنی حاوی لایحه نك مربوطاً عرض تقدیمه مجاسرت اولنور (اولبابده

۱۷ ل کانون اول سنه ۱۳۲۲ دیون عمومیه ورژی اداره لری

مالیه مفتش عمومیه سی

ضیا

مالیه نظارت جلیله سنه ۱۷ ل کانون ثانی سنه ۳۲۲ تاریخیه تقدیم قلنان راپوره مربوط لایحه تفتیشیه در

۱۳۲۲ سنه سی رژی دخان انحصار شرکتک محاسبه سنك تدقیقه اساس اتحاد ایدیلن شرکت مذکوره عموم راپورینك برنجی محیفه سنده .

مصارفات

لیرای عثمانی

صاتیلان توتونلرک مال اولدینی فیات [۱] ۵۴۷ ۶۹۵

مأمورین معاشاتی ۱۶۰ ۶۱۱

یکون ۷۰۸ ۳۰۶

[۱] غصب و مصادره دن بدأ ایله میلیونلرجه کیلونک هر کیلوسی یکرمی باره، فرق باره، ونهات ایکی غروش واک اعلا توتونلردن جزئی بر مقدارینک کیلوسی یکرمی، اوتوز غروشه مبیاعه ایدلیدیکی معلوم ایکن بویارم ملیون لیرایی متجاوز مبیاعات کیملردن ایدلشدر دپه سؤال واوراق مثبت سنك ارائه سنی طلب ایدن اولماشدر .

لیرا	
نقل یکون	۷۰۸ ۳۰۶
امور محافظه [۲]	۲۵۴ ۹۴۵
بایعله ویریلن اکرامیه [۳]	۲۱۸ ۸۴۶
معمول توتونلر مصارفی	۳۵ ۵۴۷
زراعت معاملاتی [۴]	۴۱ ۶۴۹
مصارف مختلفه	۱۲۴ ۵۱۲
یکون	۱ ۳۹۳ ۸۰۵

ناملری ایله برملیون اوچوز طقسان اوچ بیک سکز یوزبش لیرا صرف ایدلدیکی .

لیرای عثمانی	
معمول توتونلر صاتیشی	۲ ۳۵۰ ۱۴۹
بیعه تذکره سی	۱۷ ۵۷۲
مصر اخراجات رسومی	۱۲۰ ۱۹۱
مختلف مملکتلر اخراجات رسومی	۵ ۴۱۴
ادخالات رسومی	۸۰۴۹
یکون	۲,۵۰۱,۳۷۵

[۲] ایلروده بو خصوصده اوزون اوزادی به تدقیقات اجرا ایدیله جکدر

[۳] بایعله، یعنی توتونجی اصنافه اکرامیه نامیهله بر ربع ملیون لیرایه قریب بر مبلغ مصرف اوله رق کوسرتمش ایسه ده بونک اوراق مثبت سنک اراشه سندن اظهار عجز اولمش ولدی التحقیق توتون بایعلرینه اکرامیه ویرلیوب مجیدیه یکریم غروشه قبول ایدلک وتوتونجیلر دخی مشتریلردن مجیدیه بی اون طافوزه المی صورتیه یوزده بش بر استفاده تأمین ایتدکلری اکلشلمشدر.

[۴] بو تعبیردن بر شی اکلاشیله مامش ومعهود موسیو لومباردودن استیضاح کیفیت اولمش ایسه ده لجهل جواب ویرمالمشدر

بو تعبیردن وهله رزینک توتون زرع ایلکده اولدنی ذهابی حاصل اولمش ایسه ده لدی التحقیق شرکتک بو قیلدن توتون زراعتیه اشتغال ایلدیکی اکلشلمش وبو تعبیر توتون زراعتی تشویق مناسنه حمل اولمقی ایستلمش ایسه ده بونکده اصلی اولمایوب بالعکس توتون زراعتی منع ونجید ایلسته نظراً بوندن ده بر شی استخراج ایدیله مامشدر.

	لیرا
نقل یكون	۲,۵۰۱,۳۷۵
بغداد ولایتی حاصلاتی	۶۳.۳۲
فائضلر	۱۹ ۳۴۷
واردات مختلفه	۲۹ ۹۴۰
	۲ ۶۱۳ ۶۹۴

ایکی ملیون الی یوز اون اوج بیك آلتی یوز طقسان درت لیرا واردات قید ایدلدیکی ، وبوصورتله واردات عمومیه سنك — یوزده الی اوج قدر غایت فاحش بر مهرقله — استحصال اولدینی کورملکله بونك مفرداتیله اوراق مثبته سی طلب اولمش ایسه ده بونك ارايه سنندن قطعياً امتناع اولمشدر. رژی شرطنامه سنك سکزنجی ماده سننده حکومت سنیه حاز اولدینی حق تفتیشی برویاقچ مقشه حاله بیوره بیله جکندن بومفتشلر شرکتك معاملاتنه کسب اطلاع و امتیازینك ایشلدلسنه متعلق دفاتر و اوراق سائره سی وغازده لری معاینه ایتمك، و شرکت مأمورلرندن بری حاضر اولدینی حالده صندوقارینی، تدقیق و شرکتك افعال و حرکاتی دخی تحقیق وانها ایلك، صلاحیتنی دخی حاز بولمه جقلری کیفیاتی محرز ایسه ده رژی شرکتنی حین تأسسندن بو آنه قدر حق تفتیشك استعمالنه مخالف اولمش و شرطنامه نك بر حکم صریحیه معین اولان حکومت سنیه نك تفتیشی بر لفظ بی معنا درک سنه ایندیرلشددر .

شرطنامه نك سکزنجی ماده سننده حکومت سنیه نك شرکت قارشو حاز اولدینی حق تفتیشك صور اجراییه سی تعیین و توضیح قلنه رق ماده مذکور نك احکام ومندرجاتندن حکومت سنیه نامه معاملات شرکتی تفتیشه مأمور بیوریلن ذواتك شرکت امتیازینك ایشلدلسنه متعلق کافه اوراق و دفاتری کورمکه، و ایدیلن مصارفك کیفیت و حقیقتنی و کذلک جبات اولنان وارداتك مقدار اصلی و حقیقی سی ارشیدیرمغه، و بناءً علیه واردات و مصارفاته عائد کافه اوراق مثبته و اساسیه یی بعد التدقیق معاملاتك هر بر قسمنه اطلاع پیدا ایدلدکدن صکره بواطلاع نتیجه سی اوله رق برکونا سوء استعمال وقوعه کلش و یا کله اش اولدینی حالده حاصل ایده جکلری، قناعتی عفیف و ناموسکار بردولت آدمی صفتیه اچیقندن اچینه صراحتاً مالیه انبارت جلیله سنه عرض وانهایه، مجبوریتلری ظاهر ایکن شمدی یه قدر مالیه نظارتندن حکومت سنیه نامه کوندریلن مفتشلر وظیفه لرینك ایفاسی امرنده تأثیرات خارجیه و ملاحظات

شخصیه تبعیت [۶] ایدرک رژی اداره سنک عمومی راپورینک عیناً ترجمه و خلاصه سنی مالیه نظارت جلیله سنه و یرمکی موافق مصلحت بولشدر و وظیفه هیج بر مجبوریتلری یوق ایکن «فلان سنه سی رژی سال محاسبه سی رؤیت و تدقیق ایدلشدر» یوللو رژی شرکته بر بیاننامه امضا ایتمکدن کندولرینی الهمامشدر. رژی مجلس اداره هیئت ایه بو بیاننامه مستنداً سرمایه داران جمعیت عمومیه سنه قارشو حسابلرینک صحت و مشروعیتی حکومت سنیه طرفندن تفتیش و تدقیق اولنهرق تصدیق ایدلدیکنی ارئه، واسهام حاملرینی الزام و اسکات، و حکومت سنیه نک دخی ایاروده حق اعتراض و مطالبه سنی اسقاط ایلکه بونی کافی عد ایشلدر.

رژی عائد امر تفتیشک سلامت معامله بی کافل اوله جق وجهله جریان ایتسی لازمه دن و حکومت سنیه ایله حصه داران هیئت عمومیه سنک منافع مشترک لرینک وقایه و صیاتی دخی معامله تفتیشیه نک انجق بویولده اجراسیله دائره امکانه کله بیله جکی مسلمات اموردن ایکن مع التأسف شمدی یه قدر رژی مدیریت عمومیه سی یوزندن خزینه جلیله یه ترتب ایدن ضررک مقداری ایاروده تفصیل و اثبات اولنجه یی وجهله اون ملیون لیرایه بالغ اولدینی شهه دن وارسته بولنشدر.

رژی شرطنامه سنده سال محاسبه لرینک حکومت سنیه جانبندن تصدیق اقتضا ایده جکنه دائر قید اولماغله برابر شرکت هیئت اداره سی اسباب آنفیه مبنی بوکا لزوم قطعی کوره رک بو اوغورده هر نوع وسائط غیر مشروعیه توسل، و خدمت لرینه الویریشلی کوردکلری ذواتک اعزام بیورلمسی اسبابنه مراجعت ایدرک شمدی یه قدر موفق اوله کلکده بولنشدر و ایشلرینه الویریشلی کورده کلری مفتشارک شخصلری علمنده مفتریات و تحقیراتده بولنق درجه لرینه قدر کستاخلقلره جرأت ایلکده و بوجرأتلری ایله برابر اختلاس و سوء استعماللری میدانه چیقماغله هیئت اداره یه توجه ایده جک مسئولیتک بوضورتله اوکنی مقدمه بولنشدر.

رژی شرکتی نظامات اساسیه سنک یکریمی التنجی ماده سنده «جمعیت عمومیه» بالجله حصه دارانک وکیلی اولدینی، و جمعیت عمومیه اعضاسی کرک اصالة و کرک و کالة لاقل اوتوز حصه مالک اولان حصه داران دن مرکب بولندینی، و اوتوز

[۶] یعنی اگر امیه نامه الهجفلی برایکی یوز لیرایه طمع ایدرک سنوی ۸۷۱،۰۰ لیرا مقدارنده کی اختلاسانی تنسیب و تجویز ایده کلشدر.

بشنجی ماده‌سندہ جمعیت عمومیہ جہ اتخاذ اولنان قرارلک حاضر بالمجلس اولیان ویا مخالف بولسانار دخی داخل اولق اوزرہ بالجملہ حصہ‌داران حقندہ معتبر ومعمول بہ اولہ جنی ، واون یدنجی ماده‌سندہ اداره مجلسی اعضاسنک جمعیت عمومیہ طرفندن انتخاب وتعیین اولنہ جنی ، واولتوز دردنجی ماده‌سندہ جمعیت عمومیہ مصالح شرکتک احوالہ دائر مجلس اداره جہ تنظیم اولنان مضبطہ نک قرأت وحسابلری موضوع موقع مباحثہ ایدیلوب قبول ویارد اولنہ جنی ، ومجلس اداره اعضاسنک تبدیلی ایجاب ایدر ایسہ یرلرینہ دیکرلرینک انتخاب وتعیین ایدیلہ جکی ، مصرح اولغلہ بوصورتلہ تشکل ایدن وبودرجہ‌دہ واسع بر صلاحیتی حازر بولنان جمعیت عمومیہ یہ قارشو مجلس اداره رئیس واعضالری موقع مأوریتلرینی محافظہ ایلک وید اداره لرینہ تودیع ایدیلن سرمایہ یی ناہوس واستقامتلہ استعمال ایلدکلرینی اثبات ایتک مجبوریت قطعہ‌سندہ ، وعکسی تقدیردہ عزل وتبديل اولنقی تہلککسی ایچندہ بولندقلرندن وحصہ‌داران جمعیت عمومیہ سی بوکون یوزدہ اونبر فائض وحصہ تمتع المقدہ اولدقلری حالہ ہر جہ باد آباد دیہرک ہیئت اداره نک اختلاسی اغورندہ شرکتک نقود موجودہ واموال منقولہ وغیر منقولہ سنی تہلککہ قویغہ راضی اولمہ جقلرندن ہیئت اداره جمعیت عمومیہ یہ حکومت سنیہ نامنہ قومیسر ومالیہ مفتشلرینک تصدیقی حاوی سال محاسبہ سنی ارأہ ایلک مجبوریت قطعہ‌سندہ بولنسنہ مبنی مذکور معاملہ تصدیقہ نک رژی ہیئت اداره سنجہ نہ درجہ لردہ قیمتدار بولندینی تظاہر ایلر . بناءً علیہ حکومت سنیہ رژی سال محاسبہ سنی تدقیق بیوران مالیہ اعضاسی بک افندی حضرتلری ؛ راپوردہ مندرج یگونلر مفرداتیلہ اوراق مثبتہ نک ارأہ سندن شرکت ہیئت اداره سنک امتناع ایلسنہ مقابل سال حال محاسبہ سنک رؤیت وتصدیقندن امتناع ایلدیکی تقدیردہ شرکتک غایت مشکل بر حالہ قالہ جنی وبونی متعاقب اجتماعی معتاد اولان حصہ‌داران جمعیت عمومیہ سنجہ شرکت ہیئت اداره سنک تبدیلی جہتنہ کیدیلہ جکی وارستہ اشتباہدر .

رژی قومیسری ومالیہ مفتشلرینک منافع خزینہ ایلہ برابر اومنافعک منبعی تشکیل ایدن حقوق زراعی محافظہ وصیانت وبوند، دخی تدقیقات وتفتیشاندہ بولنہرق بکرمی ایکی سنہ دنبرو ممالک عثمانیہ نک ہر طرفندن رژی قومیسر لکندن بدأ ایلہ عتبہ عالیہ قدر توتون زراعتک رفع ایلدکلری شکایتنامہ لر مندرجاتی

یعنی رژی دخان شرکتک، زراعت محصول سعی و عملری اولان عادی وسط و اعلا توتونلرک قیه سنی ایکی پاره دن باشلا یه رق درجه درجه بش التي غروشه قدر صامغه مجبور ایتدکلری، وعادی نوعدن توتونلرک قبل استعمال اولمديغنی بیان ایدرک احراق وسیله سیله مصادره ایدوب برقم قلینی احراقدن صکره باقیسنی استعمال ایلدکلری و وسط و اعلا توتونلر حقتده ایسه شرطنامه نك احکام عمومیه سندن بالاستفاده توتون زراعتنه رخصت ویرمامک، و کندی انبارلرینه نقل و اخراج معاملات مشکلات چیقارمق، و زراعت توتونلرینی اخراجات تاجرلرینه ساتلارینی شرکنه مدیون اولملری وسیله سیله منع ایتمک، کبی وسائط زجریه ره مراجعتله زراعی تضییق ایدرک بوتخکمه انقیاده مجبور ایلدیکی، و شرطنامه نك اون دردنجی ماده سنك فقره اولاسندکی « دخان محصولی یتشدریمک ارزوسنده بولنان کیمسلر اول امرده رژی ادارهنك مساعدیه سنی استحصاله مجبور » اولدفارینی و اون اوچنجی ماده سنك صوگ فقره سنده تونون اخراجاتی معاملاتنك سربست قله جینی و انحق اخراج اولنه جق توتون سائر توتونلر کبی رژی انبارلرندن چیقاریله جینی « و اون بشنجی ماده سنده توتونلرینی اخراجات ایچون آخره صامق ایستیان زراعت اول امرده رژی یه اولان دینی تأدییه ایتدیکی تقدیرده اشبو بیع معاملهنه مساعده اولنه میه جینی « و اون التنجی ماده سنده « ممالک شاهانه داخلنده حاصل اوله جق توتونلرک رژی انبارلرنده محافظه ایدیله جکی « و اون طقوزنجی ماده سنده زراعت توتون محصولی داخلده انحق رژی یه صاته بیله جکی خصوصاتی محرر اولمغه مواد و فقرات مذکورهنك احکام متسلسله و عمومیه لری حاده تدقیقندن کچورلدکده توتون زراعتنك هر نه صورتله اولورسه اولسون رژی اداره سنه اطاعت و اداره مذکورهنك اوامر و نواهیسنه انقیاد ایتمکه مجبور ایدلش اولدینی تعین ایلر .

توتون زراعی اداره مرقومه نك ابتدای تأسیسندن شمدی یه قدر رژی قومیسرلکندن بدأ ایله عتبه علیا یه قدر بتون مراجع و مقامات رسمیه باش اورده رق رفع اوازه اشتکا ایلش ایسه لرده اداره نك توسلی ایلدیکی کرامیه [۱]

[۱] بواکرامیه تخصیصاتی سنوی بش یوز بیک لیرا راده سنده در . بو پاره رژی شرکتک امال و مقاصدینی ترویج و منافعه خدمت ایدنلره عاقددر . سنوی شو قدر لیرا اوله رق تخصیص ایدیلور شرکتک S S مارقه لی مدیر عمومی موسیو رامبرک قاصه سنده محفوظ دفترنده مقیددر و زنده دار موسیو کومبرباج دفترینه قید ایدرک تأدییه ایدر .

اصولی نتیجه‌سی اوله رق حکومت سنیه جه حقوق زراعی محافظه مقصدیله اتخاذ اولنان بعض مقرراتدن هیج بریمی تطبیق واجرا ایدلمدیکی کبی الیوم توتونک کیلوسنی مصادرددن بدأ ایله درت بش غروشه قدر رژی یه مال ایتمک، و اخراجات معاملاتنی انواع مشکلاته اوغرا درق رژی یه منحصر قیلمق مثلاًو معاملات غاصبانه‌نک اوکنی الملق قابل اوله سامشدر

رژی اداره‌سی توتون اخراجاتنی دخی برنوع انحصار البته آلمق املیه ۱۳۱۸ تاریخنده نذر اولنان تعلیماتک یدنجی ماده‌سندن استفاده یه شتابان اوله رق ماده مذکورده جزای نقدی واستقراض و اعشاردن ذمتاری بولنانلرک اخراجات ایچون تجاره توتون صائمیه جقارینه دائر اولان فقره یه توسل ایله زراعی صور متعدده ایله بارکران دیون البته صوفدقدن صو کره اللرنده کی مالی قیمت حقیقیه سیله تجاره صائمق صلاحیتنی بولنلردن نزع ایدرک اوصلاحیتی کندی شخصنده حصوله کتورمش والیوم زراع انجق رژی اداره‌سی نامنه قوت لایموت ایله توتون یتشدیرمکه مخصوص برعله شکانه کیرمشدر .

عمومی راپورک 13 A صحیفه‌سنده کورلدیکی وجهله رژی شرکتی هر سینه وسطی اوله رق ۶۴۲۴ لیرا مصارف محاکمه نامیه صرف ایلدیکی مبالغه محاکم جزاییه و حقوقیه دن زراع علیهنده اقراضات و جزای نقدی وسیله سیله شمدی یه قدر درت میلیون لیرایی متجاوز اعلاملر استحصال ایش |۳| و مجرد حکومت سنیه‌نک نظر دقتی جلب ایتماک ایچون سنه‌لک راپورلرده بوندن اصلاح بحث ایدلماش ایسه ده شرکتک بواعلاملری استحصال و بویله جه ادخار ایلکدن مقصدی ختام امتیازده دخان انحصاری حقوقنی حکومت سنیه یه و یادیون عمومیه یه ترک و تودیعیه برنامنه تشکیل ایتمک یعنی مبلغ مزبوری نقدا خزینة دولتدن تحصیله تشبث تهدیدیه بر اوتوز سنه‌لک امتیاز دهالده ایتمک کبی خیالات شخصیه مبنی اولدینی موثوقاً تحقیق ایدلشدر .

عمومی راپورک A صحیفه‌سنده توتون زراعتی معاملاتنک ترقی و توسعی اغورنده

[۳] قیود عدلیه به مراجعت اولنورسه رژی شرکتیله زراع بیننده منحدث دعاوی جزاییه و حقوقیه ده رژی شرکتنک علیهنده و رضاسی خلافنده مهم هیج بر قراره تصادف اولنه ماز. بونک حکمتی ایسه محاکم جزاییه رؤسایله مدعی عمومیلره محافظه مصارفی تخصیصاتندن سنوی شوقدر لیرا تخصیصات و برمه لیدر.

۱۶۴۹ لیرا مصرف کورلش ایسهده شرکتجه ۱۶۴۹ لیرانک وسنین سایقهده بومقدار بر مبلغ مصرف قسمنده محسوبی اجرا ایدلمکله برابر ابروجه تحصیل ایدلدیکنه ویا ایلروده تحصیل ایدیلهمیه جکنه قناعت بخش بر معاملهیه تصادف اولنمامشدر .

عمومی راپورک ایدیلرک بونک مفرداتیاه اوراق مثبتسنک دخی ارانه سندن امتناع ایدلمشدر اهور محافظهده استخدام ایدیلن واپورلرک مصارفی یکریمی بیک لیرایی تجاوز ایتمدیکی وامور محافظهده وسطی اوله رق سنوی یکریمی بش لیرا معاشله درت بیک قولخیدن زیاده آدم استخدام ایدلیکی معلوم اولوب بوضورتله مصارف محافظه یوز یکریمی بیک لیرا راده لرنده اولمسی اقتضا ایدر ایکن ایکی یوز اللی درت بیک طقوز یوز قرق بش لیرا کوسترلمکله یوز اوتوز بش بیک لیرایه قریب بر مبلغ اختلاس ایدلدیکی دفاترینک تدقیق حائنده تظاهری ایدر، ودرسعادت وولایات شاهانه نك هر نقطه سنده امنیت و اسایش خلقی محافظه ایله مکلف قلنان و حکومت سینه نك قوه اجراییه سنی تشکیل ایدن سواری و پیاده ژاندرمه و پولیس طابور و بلوکلرینک مصارف سنویه سنک ایکی یوز بیک لیرایی تجاوز ایلامسی رژی شرکتنک محافظه مصارفی نامی تحتنده ارتکاب ایدلیکی اختلاسک وهله تعین ایلسنه بر معیار تشکیل ایدر .

ممالک متمدنه نك هیچ برنده هیچ بر شرکت تجاریه مسلح قولحی استخدام ایده مامکده وانکلترده اسایش عمومی بر محافظه وظیفه سیله مکلف بولنان پولیس افراد و ضابطانی بیله سلاح طاشیمق صلاحیتی حائز بولنما مقده اولدینی کبی رژی شرطنامه سنده دخی مسلح قولحی استخدام ایدیلرک جکنه دائر بر قید و شرط مندرج دکل ایکن رژی شرکتی ملل واقوام مختلفه دن حکومت سینه جه هویت و سوابق احوالی مجهول بیکلرجه آدمی رژی قولحیسی عنوانیه تسلیح و بوناری جراد مصیبت کبی توتون زراعتله توتون ترلاری اوزرینه سوق و تسلیط ایلش واشخاص مرقومه نك سائقه اغراض و منفعتله هر آن بر فضیحه جناثیه جه جرأتیاب اولدقلمی کل یوم ایشیدلمکده بولنمشدر .

شرکتک یوم نأسیسندن بوآنه قدر یکریمی ایکی سنه ظرفنده رژی قولحیاریله

توتون زراع وقچاقجیلری آرمسند و قوعه کلن مقاتله لرده الی بیکی متجاوز تبعه عثمانیه نك مقتول و مجروح اولدینی والی بیکی متجاوز جارج وقاتلك دخی حبس و كورك جزالرینه محكوم اولدقاری و جمعا یوز بیک عائله نك داعذار آلام و اكدار اوله رق یأس و ماتم ایچنده بولمالریده بوشركت ایچون ایروجه برفضیحه تشکیل ایدر [۱]

فرانسر دانشر و کیلی قوماندان برژه جنابلرینك مجلس اداره رئیس و کیلی صفتیه ۲۶ ایلول سنه ۳۲۲ تاریخده انعقاد ایدن حسمه داران جمعیت عمومیه سنه « افندیلر ۲۸ شباط سنه ۳۲۱ تاریخده طبع ایدیلان پیلانجوبی تصویبکنزه عرضه شرکتک یکر می ایکنجی سنه معاملاتی نتایجی حقنده اعطای معلومات ایتك اوزره سزی جمعیت عمومیه یه دعوت ایلدك» مقدمه سیله ارائه ایلدیکی حسابدن بالاستنباط اشبو سنه معاملاتی حاصلاتك ۲۶۰۹۲۹۸ کسور لیرایه و صرفیاتك ۱۳۹۳۸۳۶ کسور لیرایه و بقیه حاصلاتك ۱۲۱۵۴۶۱ کسور لیرایه بالغ اولدینی کال استغرابله کورلمش و حساب مذکور حکومت سنیه نامنه مجلس مالیه اعضاسی بك افندی حضرتلریله رژی قومیدری بك افندی حضرتلرینك تصدیقی آلتنه الديرلمشدر و بو صورتله حاصلات غیر صافییه یی تشکیل ایدن ۲۶۰۹۲۹۸ کسور لیرانك ۱۳۹۷۸۳۶ کسور لیرا صرفیه یعنی یوزده الی اوج نسبتنده بر مصرفله استحصال ایلدیکی کوریلور .

دیون عمومیه نك بیله بیک اوجیوز یکر می بر سنه سی واردات عمومیه سی ۳۳۱۴۰۵۵ لیرا ، و مصارف عمومیه سی ۵۴۰۲۳۰ لیرا راده لرنده اولقله واردات عمومیه یوزده اون الی مصرفله استحصال ایلدلمشدر [۲]

اوستریا و مجارستانده ۱۶۷۰ سنه سندبر و توتون انحصاری بر شرکته احاله صورتیه اداره ایتدیرلمکده بوشركت حکومت یالکزر سکسان ملیون فراق قدر حصه تمتع کوستر مکده ایکن مؤخرأ بونك تظاهر ایدن محاذیر عیدیه سنه و حکومتك هیچ بر صورتله شرکتك سؤ استعمالاتی منه مقتدر اوله مامسنه مبنی بواصول لغو ایدیلهرك [۱] رژی شرکتنی کندی منافعی اوغرنده بو جرائم و جنایاتك تمادیسنی و قوچلیرینك سلاح طاشیملرینه بر طرفدن اعتراض و مخالفت اولنماسنی تأمین ایچون بر خیلی اولیای امورده اکرامیه تخصیص ایلشدر .

[۲] اعمار تأمینات ایچم سندن یوزده بشی قومیسون نامیه افراز و دیون عمومیه ارکانی بیننده تقسیم اولنان یوز بیک لیرا بو حسابدن خارجدر

توتون انحصاری طوغریدن طوغریه حکومتک ید اداره سنه النمش و نتیجه سنه
مجارستان سیسلتانى داخل اولدینی حالدہ عموم ایمرطورلقده توتونک مبايعه اولدینی
فیثات دخی داخل بولندینی حالدہ یوزده یکریمی یه قریب بر مصرفله اوچ یوز ملیون
فرانق واردات غیر صافیه حصوله کتورلمشدر. اینالیاده ۱۸۶۸ تاریخندن ۱۸۸۳
تاریخنه قدر توتون انحصاری صاتش مقداری نسبتنده مقطوع بر بدل و تمتعندن
حصه المق اصولیه شرکتہ التزام ایتدیرلمش و بو شرکتک ایلک سنه معاملاتنده
النمش التی ملیون کسور فرانق صاتش مقدارینه نسبتاً بدل مقطوع و بر ملیون کسور
فرانق حصه تمتع النمشدر. اک چوق حاصلات النان ۱۸۷۶ سنهسی ایسه یتمش طقوز
ملیون کسور فرانق صاتش مقدارینه نسبتاً بدل مقطوع و ایکی ملیون کسور فرانق
حصه تمتع النمش ایسه شرکتجه توتون صاتیسی واردات عظیمهسی حیل و دسایس
متنوعه ایله سؤ استعمال ایدلدیکی تظاهر ایلسنه مبنی ۱۸۸۳ تاریخنده توتون انحصاری
شرکتک لندن النهرق حکومت طرفندن اداره اولمغه باشلانمش و عین سنه توتونک
مبايعه فیاتی دخی داخل اولدینی حالدہ یوزده یکریمی مصرفله یوز طقسان بر ملیون
حاصلات غیر صافیه النمش و بوکون ایسه ایکی یوز یکریمی ملیونی تجاوز ایلکده
بولمشدر.

اليوم فرانسه دوات فحیمه سنک حکومت طرفندن اداره ایدیلن رژی دخان
اداره سنک معاملاتى تدقیق اولندقدہ دخانک رژی اداره سنجه مبايعه ایدلدیکی قیمتک
بش مثلنه معادل رسم ضم و علا و سیاه فروخت ایدلک اساسی قبول ایدلدیکی، و اوتوز
بر ملیون کیلو غرام توتونک یتمش ایکی ملیون فرانق مصرفله مبايعه و اعمال و فروخت
ایدیلهرک اوچ یوز طقسان بش ملیون فرانق حاصلات صافیه الندینی، و بو صورتله
مصارف عمومیه نك حاصلات عمومیه یه نسبتله توتونک مبايعه اولندینی فیأت دخی داخل
اولدینی حالدہ یوزده اون سکزدن عبارت بولندینی، وهر کیلو توتونک بر فرانق
طقسان بش ساتیم مصرفله نقده تحویل ایدلدیکی کوریلور.

دخانک انحصار آلتنده بولندینی دولترده اولدینی کبی بزده دخی واردات
عمومیهسی وسطی اولهرق یوزده یکریمی مصرفله استحصال ایدلمش اولسه ایدی
۲۶۹۰ ۲۹۸ لیرالق بریکون تشکیل ایدن واردات عمومیه ۵۲۱ ۸۵۹ لیرا صرفله
استحصال ایدلمش و سنوی ۸۷۱ ۹۷۷ لیرا اختلاس و سؤ استعمالدن قورتاریله رق
واردات عمومیه نك مقداری ۳۴۸۱ ۲۷۵ لیرا مقدارنده بولنور و حکومت

سنيه ايله حكومت سنيه حسابنه ديون عموميه نك حصه تمتعي بو نسبتده يعني يوزده
او تونر حسابيله حكومت سنيه يه ۹۲۵۲۸ ليرا يرينه ۴۹۳۵۷ ليرا و ديون عموميه يه
يوزده او تونر بش حسابيله ۱۰۷۹۵۰ ليرا يرينه ۵۷۲۰۸۴ و حصه دارانه و اسهام حامللرينه
دخي ۱۰۷۰۵۰ ليرا يرينه ۶۷۲۰۸۴ ليرا حصه تمتع افزاز اولنور و بو حصه تمتع عدد
اسهامه تقسيم اولندوقده هر حصه دار يوزده او نر فائض و حصه تمتع آله حق يرده يوزه
اللي يدي بچق فائض و حصه تمتع آلور ايدي .

رژي شرکتي ، محافظه مصرفي نامي آلتنده قيدايلديكي ۲۵۰۰۰۰ ليرايه حكومت
سنيه نك هر صنف و مرتبه ده مأوريندن شرکته خدمت و معاونت ايدنلره و يرلين
اكراميه لرك دخي داخل اولديغني صورت غير رسميه ده افاده ايتكمده اولمسندن اولاي
بوقيلدن اكراميه و يرلمسي قطعياً غير جائز و نامشروع بر حال اولوب بومبلغ حقيقه
محافظه اوغورنده صرف ايدلديكي و فرانسه رژيسنده محافظه اوغورنده برپاره صرف
اولنديغني فرض محال اولنديغني تقديرده بيله ينه بزم رژي شرکتي يوزده قرق يدي
مصرفه قرق اوچ واردات استحصال ايتش اولوركه فرانسه يه نسبة يوزده يكرمي
طقوز قدر فضله بر مصرف كوسترديكی و بالحساب بوفضله مصرفك ۴۰۴۲۰۲ ليرا
اولقله يكرمي ايكي سنه ظرفنده ۸۸۹۲۴۴۴ ليرا اولديغني تظاھر ايلر .

فرانسه ده خام توتونلر آشاغني نوعندن اولقله برابر بزم توتونلردن دها بهالي
اولديغني و بونلرك اعمالنده استخدام ايديلن عمله يوميه سي بزه كي عمله يوميه مسندن
درت دفعه و اداره خانه و ده بو و فابريقه اتخاژ اولنان محللك قيمي و يا اجرتي بزه كيلردن
اون دفعه دها فضله بولنديغني حالده و مأورين معاشي بزم مجلس اداره اعضاسي و مديرلر
مستثنا اولديغني حالده رژي مأورلري مھاشندن بركره دها فضله ايكن فرانسه ده
يوزده اون سكرز مصرفه اداره اولنمسي و بزه يوزده اللي اوچ مصرف اختيار
ايديلهرك قرق يدي استحصال ايدلديكي ادعا اولنمسنك اسبابي بشقه هيچ بر دليل
واماره يه حاجت قالمق سزین اختلاس و سوء استعمالدن تولدايلديكي آكلاشيور شو حقيقتي
دھا بسيط بر حسابله اثبات ايتكم ايچون صورت آتيده بر مقايسه دھا اجرا اولنه بيلور ،
فرانسه ده بر كيلو غرام توتون تقريباً ۶ غروش ۳۶ سانتيمه مبايعه و ۱ غروش
۱۴ سانتيم مصرفه اعمال ايديلوب بش مثلي رسم ضم ايديلهرك ۳۷ غروش بش
سانتيمه صانلديغني حالده بزم رژي شرکتي بر كيلو غرام توتوني غصب و مصادره
دخي داخل اولديغني حالده زراعتدن وسطی اوله قرق ۱ ۱/۲ غروشه قدر مبايعه و كويا

۱۹ کسور غروش مصرفله اعمال ایدوب ۴۰ مثل رسم ضم ایده رک ۲۶ غروشه
 صائدینی هرایکی شرکتک رسمی سال محاسبه لرنده مقید ومندرج اولغله بونک تدقیق
 ومقایسه سیله حقیقت دها بسیط بر صورتده میدان چیقار ولدی الحساب اختلاسات
 مقدارینک سنوی بر میلیون لیرایه تقرب ایلدیکی تظاهرا ایلر .

رژی شرکتک بوسنده کی پلانچوسنده

واردات لیرا	۲۶۰۹۲۹۸
مصارف عمومیه اولوب تنزیل قلنان	۱۳۹۳۷۳۶
بقیه	۱۲۱۵۴۶۲
دیون عمومیه بدل مقطوعی	۷۵۰۰۰۰
	۴۶۵۴۶۲

شرطنامه موجبجه اشبوتتمک تقسیم بروجه زیر تعیین اولمشدر

لیرا تمتعات	۴۶۵۴۶۲
سرمایه نک یوزده سکنز فائضی	۱۴۰۸۰۰
بقیه	۳۲۴۶۶۲
مؤسسارک یوزده بش حصه سی بالتنزیل	۱۶۲۳۳
	۳۰۸۳۲۸

مشتراک بینهنده بالتقسیم

یوزده اوتوز حکومت سنیه	۹۲ ۵۲۸
یوزده اوتوز بش حصه تمتع	۱۰۷ ۹۵۰
یوزده اوتوز بش حصه دارانه	۱۰۷ ۹۵۱
یکون مساوی	۳۰۸ ۴۲۸

کوسترلمش و اسهام حامللرینه حصه باشنه یالکیز ایکی فراقق توزیع ایدیلهرک یوزده
 اون بر فائض و حصه تمتع اصابت ایشدر . و بوکامقابل رژی شرکتی واردات عمومیه سی
 یوزده یکریمی مصرفله استحصال ایش اولسیدی

پلانیجوسی

لیرا واردات عمومی	۳۳۰۶۸۸۰
مصارف عمومی	۶۹۷ ۵۸۲
بقیه حاصلات	۲ ۶۱۰ ۶۲۶
دیون عمومی به بدل مقطوع	۷۵۰ ۰۰۰
تمتع صافیه	۱ ۸۶۰ ۶۲۶

اشبو تتمعك شرطنامه موجبنجه تقسیمی

	۱ ۸۶۰ ۶۲۶
لیرا سرمایہ نك یوزده سكر فائضی	۱۴۰ ۰۰۰
بقیه	۱ ۷۲۰ ۶۲۶
مذكور بقیه دن مؤسسلرك یوزده بش حصه سی بالتزیل	۸۶ ۱۰۱
بقیه	۱ ۶۳۴ ۵۲۵

• شتركلر ییننده تقسیم اولنه جق

یوزده اوتوز حكومت سنییه	۴۹۰ ۳۵۷
یوزده اوتوز بش دیون عمومی به	۵۷۲ ۰۸۴
حصه دارانه " " "	۵۷۲ ۰۷۴
	۱ ۶۳۴ ۵۲۵

حالنده بولنه جق و بو صورتده اسهام حامللری دخی یوزده اون بر یرینه یوزده اللی یدی بحق فائض و تمتع آلملری اقتضا ایدہ جك ایدی بو صورتله شركتك اختلاساتی یوزندن حصه داران شمیدی به قدر حصه باشه ۹۰,۲۴ لیرا ضرره اوغرامشلردر قواعد اساسیه مالیه به مستند بولنان شو حسابہ نظرآ یالکزر بوسنه رژی دخان انحصارنده ۸۷۱ ۹۷۷ لیرا مقدارنده اختلاس وسوء استعمال وقوع بولشدر .

رژی دخان شركتك سنوی ۸۷۱ ۹۷۷ لیرالق اختلاسی یکر می سنه ظرفنده ۱۹ ۲۸۳ ۴۹۴ لیرالق بر یگون تشکیل ایتکله شرطنامه نك یدنجی ماده سی حکمنجه بو مقدارك ۱۱ ۵۱۴ ۵۱۱ لیراسی خزینہ مالیه حسابنه دیون عمومی اداره سنه عائد

اولمغله اليوم خزینة مالیهك رژی دخان شرکتندن اونبر ملیون بش یوز کسور بیک لیرا و حصه دارانک حصه باشنه ۹۰,۲۴ لیرا مطلوباتی بولندینی تحقّق ایدر ، بدل مقطوع سنوی و حصه تمتع و دخان اعشاری سببیه دیون عمومیه دخی حق نظارت و تفتیشی استعمال ایلمکده و دیون عمومیه اداره سی اعضاسندن اوچ ذات رژی اداره سنده رئیس و کیلی و اعضا صفتیه بولمقده و هر ایکی اداره یه مودوع رسومک نوع و ماهیتی دخی عین کلفت و مصرفه احتیاج کوسترمکده ایکن دیون عمومیه ده بو رسومک یوزده اون اتی ، ورژی اداره سنده یوزده اللی یدی مصرفه استحصال ایدلسنک حکمتی تحری ایدله جک اولور ایسه دیون عمومیه اداره سنده عموم اجنبی دائلرک علاقه دار بولمسی ، و مجلس اداره اعضاسنک بو دائلر و کیلرلی صفتیه مؤکلارینک منافی نقطه نظرندن اداره اموره مجبوریتری ، و بو منافع عظیمهك الی نهایت سلامتی و امر اداره ده موفقیتلری ، مؤکلارینک امنیت و اعتمادینک دوامنه وابسته اولدیغی بیلدکلرندن بوراده هر شکل و صورتده اختلاس و یا دائلرک حقوقنه تعلق ایدیه بیه جک سؤ استعمالات و قوعی شمدی یه قدر کورلامش و فقط یالکز حکومت سنیهك منافع مادیه و معنویه سی هیچ بر وقت نظر دفته التامش و دیون عمومیه مجلس اداره سی مؤکلارینک سرمایه لری فائضنک و امورتیسمانک تأدیہ سندن و احتیاط اچهك افراز بیه مؤکلارینه قارشو وظیفه لرینی ایفا و فقط باقی قاله جق باره یی خزینة مالیه یه اعاده ایتمکدن ایسه بو باره یی تفریشات و تزیینات ایله مأمورینک ترفیه حالنه و هر نوع معاونات انسانیتکارانه یه صرفی ایلمکی ترجیح ایدیه کلکله برابر مصارف عمومیه لری واردات عمومیه لرینک انجق یوزده اون التیسی درجه سنی تجاوز ایلامکده بولمشدیر .

رژی دخان شرکتی ایسه حصه سنداتنی حامل واهالینک و یا بعض اغنیانک انتخاب و توکیل ایلدیکی بر مجلس اداره ایله اداره اولنور عادی بر انونیم شرکتی حکمنده اولمغله مجلس اداره اعضاسنی تشکیل ایدن ذواتک وظیفه اساسیه سی مقاوله نامه حکمنجه اولاً دیون عمومیهك ۷۵۰.۰۰۰ لیرا مقدارنده کی بدل مقطوعنی تأدیہ ایلاک و ثانیاً حصه سنداتنه یوزده سکز فائض و یرمک و بقیه تمتعاندن اولو یوزده اونوز بشی ینه دیون عمومیه یه تأدیہ ایلاک و دیگر اونوز بشی حصه سنداتنی حاملرینه حصه تمتع نامیه توزیع ایلاک و باقی یوزده اونوزیده حکومت سنیه یه و یرمکدن عبارت اولوب شرکت حاضره شمدی یه قدر دیون عمومیهك بدل مقطوع

سنویسیله حصه تمتی تماماً تأدیه ایده کلهش واساساً بوتأدایات حکومت سنیه حسابنه اولدیغندن وشمدی به قدر دها زیاده حصه تمتعه لزوم کورلدیکنندن دیون عمومیه ادارهسی بو حصه تمتع مقدارینی بالطبع اختلاسات و سؤ استعمالاتی منع ایله بهره حکومت سنیه خدمت ایتمکده کندیسنه بر فائده تصور ایلامش ورژی سنداتی حاملری ایسه شمدی به قدر سرمایه لرینه تقریباً یوزده اون و بوسنه یوزده اونبر فائض و تمتعدن حصه المقده اولدقلرندن واوروپانک هیچ بر یرنده بومقدار فائض و تمتع حاصل ایدر بر ایشه سرمایه بی کمال منت و شکرانه قبول ایده رک دها فضله بر حق ادعاسنه جسارت ایلامکده بولملرینه مبنی دیون عمومیه ایله حصه داران جهتندن هیچ بر صیرلدی حیقما مقده و بونلرک شرطنامه موجبجه معین حقوق لرینه خلل کلامکده ایکن توتون رژیسندن اک زیاده علاقهدار اولان حکومت سنیه نک منافع مادیه سنی اولسون حمایه ایتمکده لزوم کوره جک بر کیمسه نک بولنمامسی حکومت سنیه نک [۱] ۸۷۱۰۰۰ بیک کسور لیرادن شمدی به قدر یکریمی ایکی سنه ظرفنده ۱۸۰۰۰۰۰ [۲] لیرایی متجاوز ماده ضررینی مستلزم اولمش و مملکتک نفوس و ثروت عمومیه سنده عظیم رخنه لر آچمشدر ،

تفصیلات معروضه دن رژی شرکت حاضر مکن حکومت سنیه و ممالک محروسه شاهانه ایچون بر مصیبت محضه اولدیغنه قناعت حاصل ایتمک طبیعی اولمغله بوندن استخلاص چاره لرینک تحریری ضرورت حکمنی اکتساب ایلر . بناء علیه بومقصدک بوغایه سنه وصول ایچون اولا شرکتک مابه الاستناد عد ایلدیکی حقوقک منشائی بولنان محرم قرارنامه سی و توحید دیون قرارنامه مذیل و سائر نظامات اساسیه سی برر برر تدقیق ایدمک و حائز اولدینی حقوق و شرائطک شکل و حدودی مطالعه و تدقیق ایدیلرک امتیازک فسخی و سائلنی استحصال ایلک متحم ذمت صداقت و عبودیتدر ،

قواعد اساسیه حقوقیه دندرکه طرفین عاقدین وضع امضا ایلدکلری مقاولات احکامنه متساویاً رعایته مجبور اولوب بونلردن بری تعهداتی ایفا ایلز ایسه طرف دیگرک مقاوله بی فسخ و باطلاله صلاحیتی اولمغله حکومت سنیه ایله رژی شرکتی

[۱] سنوی اختلاس .

[۲] اخلاساتک بکونی اولوب حکومتک شرکتک تضمین ایتدیرمک حقنه مالک اولدینی

ارمسنده منعقد مقاوله نامه ده ایسه حکومت سنیه تعهد ایلدیکی وظائفی حرفیاً
اجرایه مسارعت ایلکده [۳] و بوکا مقابل رژی شرکتی تعهداتنک هیچ بریسنی
ایفا ایتمکده در .

ممالک متدنه نك كافه سنده موجود مؤسسات تجاریه و صرافیه ، قانونه تابع
بولدقلری حکومتلرك آیروجه بر مقاوله نامه و یا شرطنامه عقدینه محل قالمقیزین
هر نوع تفتیشات و مراقباتنه مطیع و منقاد اولوب طلب و قوعنده معاملهلرینک کافه
فروعات و تفصیلاتی ابراز و اراءه ايله رفع اشتباهه ساعی اولدقلری مسلم و هر
دولته امنیت و اسایش مملکتی محافظه بی درعهده ایلان حکومتلر تبعهلرینک مال
و جانلرینی محافظه مقصدیله بو وظیفه بی ایفایه مجبور ایکن بوکا مقابل بزم رژی
توتون شرکتی شرطنامه سنک سکنجی ماده سیله تأمین ایدیلن حق تفتیشک
یکرمی ایکی سنه دنبرو اجراسنه مخالفت ایلمسی و اختلاسات ايله قولجی و زراع
مقاتله لرینک یکرمی ایکی سنه دنبرو حالا اوکی آلنه میوب هر کون یوزلرجه
جرائم و قوعنک تمادی و کیتدجکه تراید ایلمسی شرکت امتیازینک فسخنه کافی اسباب
تشکیل ایدوب شرکت هیئت اداره سنک اختلاس جرمی بعض دولتلرك قانوننده جنحه
وبعض دولتلرك قانونجه جنایت نوعندن عد ایدیلهرک آکا کوره مجازات ترتیب
ایدلش و بزم جزا قانونامه هایونمزده جنایت عد ایدیلهرک سکسان ایکنجی ماده ده
بش سنه دن اقل اولماق اوزره کورک جزاسی تعیین بیورلش و شرطنامه نك ایکنجی
ماده سنده شرکتک اقامتکاهی در سعادته اوله حق و اجرای معاملاته قوانین عثمانیه یه
وامور عدلیه ده محاکم سلطنت سنیه یه تابع بولنه جنی مصرح بولنش اولغله خزینه جلدیه
مالیه نك رژی دخان شرکندن مطلوبی بولسان او بر ملیون بش یوز کسور بیک
لیرانک مع فائض و مصارف محاکمه استحصالی ضمننده حقوق عمومیه نامنه تعقیبات
قانونیه اجراسی لزومی تحقق ایدر ،

رژی دخان شرکتنده حکومت سنیه ايله برابر دیون عمومیه نك دخی حقوق
مادیه سی بولمقله بونک دخی حدود و شرائطی تعیین ایلان مقاولاتک مواد مخصوص -
صه سنک تدقیقه نظر دفته آلمسی ایجاب ایدر دیون عمومیه عثمانیه نك صورت
نسیوبه سی حقه ده کی نظامنامه نك سکنجی ماده سنده ۲۲ تشرین ثانی سنه ۱۸۷۹
تاریخنده عقد اولنوب اشبو نظامنامه یه مربوط مقاوله نامه احکامنجه دخان و طوز

انحصار لریله مسکرات میریه ورخصتیه رسمی وحریر اعشاری وصيدماهی وورقه محیحیه
 رسومی ایله سائر بعض وارداتک دیون عمومیه اداره سنک دخان رژی شرکتنده کی
 حقوقتی تصریح وتأمین ایلدن بومادهیه مقابل شرطنامه نك آلتنجی ماده سنده رژی
 دخان شرکتی اشبو شرطنامه ده محرر شرائطی ایضا ایلدیکی وقصور واقفک فسخ
 امتیازی موجب احوال دن اولدینی مسئله اولیمسی حکومت سنیه ایله دیون عمومیه
 اداره سی آراسنده قرارلشدیرلدینی صورته قصور واقع محاکم نظامیه ده اثبات
 اولندقدن صوکره امتیازک انفساخی مجبوری اوله جنی ورژی اداره سی شرطنامه سنک
 طقوزنجی ماده سنده هر نه سببه مبنی اولورسه اولسون دخان انحصارینک رژی اصولی
 ایشلدلسندن فراغت ایلدیکی حالده انحصار مذکور اداره سی دیون عمومیه اداره
 مجلسه عودت ایده جک و مجلس مذکور دخی انحصار مزبوری ل ۲۸ محرم سنه ۱۲۹۹
 تاریخلو نظامنامهیه توفیقاً ایشلتمک لازم کله جکدر وبونی تأییداً یکریمی طقوزنجی
 ماده سنده شوراسی دخی مشروطدرکه اشبو شرطنامه موجبنجه دیون عمومیه اداره
 مجلسه اعطا اولنان حقوق سالف البیان ل ۲۸ محرم سنه ۱۲۹۹ تاریخلو نظامنامه ده
 محرر وبونک کاملاً تسویه پذیر اولمسیله مجلس مذکورک طاغلمسی ایجاب ایده جکی
 کوندن اعتباراً حکومت سنیهیه عودت ایده جکدر . ماده لریله تعیین ایدلمش اولوب
 مواد مذکورده دیون عمومیه نك موافقتی اولمقدزین دخان انحصاری حکومت سنیه
 طرفندن شرکتک الندن آلنه مامسی و دیون عمومیهیه عائد بدل مقطوعه و حصه تمتع
 ودخان عشرندن دیون عمومیه عائد منافع مادییه تجاوز ایدیلهمامسی معناسنی متضمن
 اولوب یوقسه شرکتک اختلاس وتخریباتی ثابت ومحقق ایکن بو حالک دوامی
 قارشوسنده حکومت سنیه نك حال عطالتده بولمغه مجبوریتنی متضمن اوله میه جفندن
 حکومت سنیه جه رژی دخان شرکتک یکریمی ایکی سنه لک حساباتنک بر قومیسبون
 مخصوصه جدی بر صورته تفتیش وتدقیقنه تشبث اولمیلیدر .

نتیجه تفتیشاتده ثبوت وتحقق ایده جک اختلاس وسوء استعمالاته مبنی شرکتک
 فسخیه ل ۲۸ محرم سنه ۱۲۹۹ تاریخلی قرارنامه حکمنه توفیقاً توتون رسومنک
 دیون عمومیهیه تودیع ایدلمسه وماده ثبوت اوله جق اختلاسات مقدراتینک نقود
 واموال موجوده سیله تضمین ایتدیرلمسی منافع مقدسه دولت نقطه نظرندن لازم ایدوکی
 معروضدر . ل ۱۷ کانون اول سنه ۳۲۲

دیون عمومیه ورژی اداره لری مالیه مفتش عمومیسی

ضیا

صدارتدن کلان فی ۲ ذی الحجہ سنہ ۳۲۴ و فی ۳ کانون ثانی سنہ ۳۲۲ تاریخ
و ۶۲ نومرولو تذکرہ نک صورتیدر

فی ۲۳ ذی القعدہ سنہ ۳۲۴ تاریخ و ۱۰۴ نومرولو تذکرہ عطوفیلرینہ
جوابدر . رژی اداره عمومیه سی حساباتی خزینہ جلیله جہ مفتش معرفتیہ تدقیق
ایتدیرلمکده اولسنہ نظراً شمذیک معامله جاریہ نک تأخیردوامی موافق اولہ میہ جنی
بیانیہ تذکرہ مخلصی ترقیم اولندی .

صدر اعظم

فرید

باب عالیہ یازیلان فی ۵ ذی الحجہ سنہ ۳۲۴ و فی ۶ کانون ثانی سنہ ۳۲۲ تاریخ
و ۱۰۷ نومرولو جوابا یازیلان تذکرہ نک صورتیدر

ذی الحجہ سنہ ۳۲۲ تاریخ و آلتش ایکی نومرولو تذکرہ سامیہ جناب
صدارتیناہیلرینہ جواب چاکرانہ مدر رژی حساباتی مفتش معرفتیہ تدقیق
ایتدیرلمکده وشمذیک معامله جاریہ نک دوامی موافق ایدوکی خزینہ جلیله جہ
درمیان اولتمش اولہ جنی اکلاشلمقده ایسده بوبانده مفتش ویرمش اولدینی راپور
امر و اشعار بیوریلان تدقیق کلیاً فقدانی مثبت اولمی و علی الخصوص مفتش
وظیفه سی تفتیشدن عبارت اولوب وظیفه سی بحق ایفا ایتدیرلمش اولدینی فرض
اولنسیبیلہ دیوان محاسباتک قانوناً صلاحیتدار اولدینی امر اہم تدقیق اسقاط
ایده میہ جکی امثالی دلاتیہ میدانده ایدوکی و حکومت سنیہ ایلہ مشترک المنفعہ اولان
ادارہ مذکورہ نک تأسیسندن بری خزینہ جلیله یی حق صریحی اولان حصہ تمتعدن
لا اقل بدی ملیون لیرا اضرار ایتدیکی حساباتک کما ینبی تدقیق ایلہ تظاہر ایده جکی
درکار ایکن حقوق مقدسہ دولتہ مغایر اولہ رق شمذیک معامله جاریہ نک تصدیق وعدم
تدقیق دوامی نہ کی مقصدہ مستند اولدیغنک ایجاب ایدنلردن استفساری منافع
خزینہ یی صیانہ بغایت مقتضی کورلمکالہ اولبابده .

دیوان محاسبات رئیس

راسخ

صواب	خطا	ک	ف
۱,۳۹۳,۸۳۳	۱,۳۹۳,۸۵۳	۲۱	۲
{ ایندیرمک ایچون حکامه ویریلان مکافات تقدیه ! }	ایندیرمک ایچون	۲۰	۵
{ طائفه نسادن موسیو رامبرک عاطفته کسب استحقاق ایدنلره }	طائفه نسادن محتاج اعانه	۲۵	۵
۱۹,۱۸۳,۴۹۴	۹,۲۸۳,۴۹۴	۲	۷
دیه شمدیه به قدر سؤال ایلان واوراق	دیه سؤال و اوراق	۲۲	۷
۱,۳۸۳,۸۰۵	۱,۳۹۳,۸۰۵	۸	۸
بیعه	بیعه	۱۲	۸
قطعه سنده	قطعه سنده	۱۱	۱۱
{ حضر تلی برقاچ لیرابه طمعاً بو اختلاساتی تصدیق ایده جک برده }	حضر تلی	۱۹	۱۱
توسل	توسلی	۲۴	۱۲
اکرامیه	کرامیه	۲۴	۱۲
اوکی آلفه تشب دخی اولنمیشدر	اوکنی آلمی قابل اولمیشدر	۴	۱۳
ایتمدیکی	ایتمدیکی	۷	۱۴
فیثاتی	فیثاتی	۱۳	۱۶
۴۹۰,۳۵۷	۴,۹۳۵۷	۲	۱۷
۵۷۲,۰۷۴	۵۷۲,۰۸۴	۳	۱۷
۱۰۷,۹۵۰	۱۰۷,۰۵۰	۴	۱۷
۵۷۲۰۷۴	۶۷۲,۰۸۴	۴	۱۷
۱,۲۱۵,۵۶۲	۱,۲۱۵,۴۶۲	۸	۱۸
اقتضا ایده جک ،	اقتضا ایده جک ایدی	۱۸	۱۹
اوغرامیه جقلرایدی	اوغرامشلردر	۱۹	۱۹
انسانیتکارانه نامنه صرف	انسانیتکارانه به صرفی	۱۸	۲۰
تودیع اولنسی	تودیع ایدلسته	۲۵	۲۳